

ديوان بالعامية المصرية القلب ساكت

الشاعر الصحفي

نصر سليمان



بطاقة فهرسة

حقوق الطبع محفوظة

اسم الكتاب : القلب ساکت (دیوان)

المؤلف: نصر سليمان

رقم الإيداع :

الترقيم الدولي:

الطبعة الأولى 2019



مَكْنِيَّةُ خُزَيْمَةَ الْوَزْدِ

القاهرة : اميدان حليم خلف بنك فيصل
ش ٢٦ بوليغوم ميدان الأوبرا ت : ٠١٠٠٠٤٠٩٦ - ٢٧٨٧٣٧٤



كلمة

يسكت القلب - أحيانا - ليكنتم آلامه حتى لا يشعر بها غيره .
..... نصر سليمان

الرحمة كلمتك



.....

يارب بقدرتك
إكتب لنا رحمتك
إكتب لنا رضاك
والفوز بجنتك
وبنور جمال صفاتك
الرحمة .. كلمتك



القلب ساكت



.....

القلب ساكت

كاتم آلامه

القلب ساكت

وبأيه ح يفيد

كلامه ..

أنت خلاص

قلبك إختار

ليه أستنى

ليه أحتار

ماهو قلبي

حس .. وفهم

قصداك
أول ما بديت
أنت في صداك
وكتم عنك أنينه
و خبي لوعة حنيه
ده الفراق
مقسوم ..
وإنكتب ..
على جبينه



نور ابتسامك



.....

خلي نور ابتسامك
يسبق خطواتك
وخلي الخير و سلامك
يدوب في محبتك
وخلي كلامك
نوره للجميع ..
للمحب ...
وحتى لكاره الربيع
خلي قلبك
نبع خير

وإنسى ..
أي جحود م الغير
وإرضي أنت الرب ..
حتشوف منه
كل الخير



مش كل شئ بئتمناه



.....

مش كل شئ بئتمناه

ح نلاقيه في دنيانا

ولا كل أمل

سعينا وراه

ح نلاقيه ويانا

كل شئ في الحياة

مقسوم ..

الفرحة والأحزان

والأعمار .. باليوم

كل شئ في السما

مكتوب ..

وربي عنده الخير

هو الحبيب

المحبوب



ببساطة .. قلبي حبك



ببساطة

قلبي حبك

ببساطة ...

بحب قربك

وبكلمة واحدة

ومن غير معاندة

أنا ... ببساطة

حبيبي .. بحبك

...

روحك خدتنني

لدنيا هواك

بأعيش الفرحة

حبيبي .. معاك
بالاقي روحي
ديما في قربك
ما أنا ببساطة ..

حبيبي ..

بحبك

...

ببساطة ... روحي عندك
بصراحة .. الود ودك
ومهما قلبي يقول
في حبك
ببساطة ... حبيبي
قلبي حبك



الخير .. عبيره



.....

صباح ..

الخير .. عبيره

ومحبة ..

لون أزاهيره

.....

والنور ..

في قلبه وضميره

صباح الحب ..

ومشاويره

مع ود القلب

وأميره

حبيب .. مشتاق

لعيره

...



ياريت أنساك



.....

ياريت .. ياريت

ياحبيبي أنساك

ياريت أقدر

أهجر دنياك

ياريت يرجع لي

عمري ثاني ..

ياريت ماجعني بيك

زمني ..

ياريت قلبي ما هواك

ياريت .. ياريت

ياحبيبي أنساك

...

بعد ما هجرت
كل الناس ..
ودوبت روعي وقلبي
في كأس ..
وسقتهم لك يا أعز الناس ..
جاي تقول إنساني ..
يمكن تلاقي قلب ثاني ..
يهواك .. ويصون هواك
بعد ما داب عمري حواليك
وعشت حياتي ويا عينيك
تعز عليا حبيبي لقاءك
هو ده برضه .. نصيبي معاك
تعز عليا حبيبي لقاءك
يعني ده آخرة صبري معاك
تملى حياتي بالأشواك
ياريت .. ياريت ..

يا حبيبي أنساك

...

ضياع .. ضياع

رحلتي ويا النسيان

بيدوب عمري

في كاس الأحزان

أوهام .. أوهام ..

دوامة بتطويني

في دمي الذكرى

بتحيي هواك ..

وبتحييني

أجري .. أجري

ألقى كاس النسيان

فاضي ..

أهرب من نفسي ..
ألقاني في حضن
الماضي ..
ضياع .. ضياع
قصة حبي وياك
كرهت الماضي ..
كرهت لقاءك ..
راح أدوب حبي
في كاس حنان
أسقيه لكل من عاش
محروم ..
راح أدوب في كلمة
أمل وحنان
تسعد القلب المظلوم
وياريت تدوب

كل القلوب
حب وحنان
ولا عمري أشوف
دموع خوف
في عين إنسان
وأشوف الفرحة
بتنور
في كل مكان



مهـما طـال البـعد عنـك



.....

مهـما طـال البـعد عنـك
روحـي ديمـا قـريـبة منـك
تطمـن عـليك
وتـناجـي عـينـك
تـحكـي عـني
وتـحكـي عـنـك
روحـي ديمـا
قـريـبة منـك
...

يا بـدر السـما
يا روح ملهـمة

حاسة بيا
ثانية .. ثانية
قلبي عندك
نبضه .. ودك
يحكي عني
يحكي عنك
روحي ديما
قريبة منك
...

لو كنت بعيد
أو كنت قريب
مفيش غيرك
في القلب
حبيب
حب .. و وفا

روح الصفا
تحكي عني
تحكي عنك
روحي ديما
قريبة منك
...



مشتاقلك غالية



.....

مشتاقلك ياغالية

يا نجمية عالية

تنور طريقي

بالود الحقيقي

و بتوعد عينا

بأيام حلوة جاية

مشتاقلك ياغالية

...

البعد طال عليا

والشوق سهر عينا

تتمنى قرب اللقا

من بعد
مرارة الشقا
في دنيا جديدة
أيامها سعيدة
قلوبنا فيها راضية
مشتاقلك ياغالية
...



نور الصبح



.....

الورد بيغني

لنور الصبح ..

يا صباح النور

والطير كله يسبح

الكريم ..

الفتاح ..

الغفور ..

و الكون كله

يسبح ..

نور على نور



كل شيء وله ميعاد



.....

كل شيء وله ميعاد

اللقاء .. الفراق ..

والوداد ..

ده نصيب الفؤاد

من الدنيا

وله ميعاد

...

ليه تخلي بكرة

همك

ليه بتحزن

وتعكر دمك

عيشي النهاردة

زي أحلى نهار

ووردة
واللي خلقك
هو ديما
بيراعيك
هو الجواد
وبفضله
ح يراضيك
...



بقلبي عرفتك



.....

ياريت يا حبيبي ..

وأنت هناك

تحس بقلبي ..

بيستناك

تحس بلهفة

روحي عليك

بشوق العمر ..

بأحن إليك

...

حلمت بيك

عمري بحاله

وأنت في قلبي
وخياله
ولما شفتك
بقلبي عرفتك
يا حبيبي
أنت الغالي
ومهما تبعد
ومهما تعند
قلبك ساكن روحي
وخيالي



نفوس البشر



.....

نفوس البشر

أسرار .. أسرار

قلوبها غريبة

زي بحار

شوية هادية

وغضبها .. ألم

من نار

وأرواحها عجيبة

فيها سر كبير

منها حبيبة

زي النور ..

زي الطير
منها قريبة ..
زي الورد
ليها عبير
ومنها .. بعيدة
شريدة .. بليدة
مش بتحب
تشوف الغير
عايشين بمحبة
عايشين في الخير
وربي الواهب
هو الرازق
وفضله علينا كبير



قلبك ديما معايا



.....

قلبك ديما معايا
حبك مالوش نهاية
في القلب ..
أجل حكاية
شمسي وقمري
وسمايا

...

حبك في قلبي
مالهوش حد
لا عرفته قبلك

ولا شفته .. من حد
ماهو أنت
حبي وهنايا
والفرحة ..
طول ما أنت معايا
حبك .. في القلب
حكاية
ياشمسي وقمري
وسمايا
...



طمني يا غالي



.....

طمني عليك يا غالي

وجاوب عن سؤالي

انت ع البعد قادر

ولا أنت زي حالي

القلب تايه .. يفكر

وعليك انشغل بالي

...

لو روحك بتحب

روحي

لو وردك

بيحب دوشي

حأعيش وياك

أفراح القلب
وأحضان وياك
أنوار الحب
...



مبدع الجمال



.....

سبحانه ..

مبدع الجمال

العظيم ..

المتعال ..

من نوره

الخير والجلال

هو الباقي

والدنيا دوامها

محال

خلق فيها الجمال

ألوان

والورد خلى لعبيره

أوان

والشمس ليها ميعاد

في كل مكان
بس يا حسرة
على الإنسان
ديما يجري
ورا دنياه
لا هو بيرضى
ولا بتهناله
حياة
إلا الي ربي
بنوره هداه
قلبه ديما راضي
وروحه بتسبح
مولاه
...



جرب قلبك يكون مع ربك



.....

جرب قلبك
يكون مع ربك
و تحب نوره
يسكن دربك
جرب .. شوف
حتلاقي سكينه
وراحة بال
حتلاقي البركة
حتلاقي جمال
وصبر جميل
لو ألك طال

ربك قادر

يبدل حالك

لأسعد حال

...



الروح بتحس بالأحباب



.....

الروح بتحس بالأحباب

في القرب ..

وحتى في الغياب

بتحس بيهم وتراضيههم

وحبها من غير حساب

الود صافي

وواحة ..

من غير سراب



بيقول بيحبك



.....

بيقول بيحبك
وهو .. كاره لقلبك
ويكيد فيك
ويقول لك .. بحبك
وهو عمره صحيح
ما حبك

...

هو ديما .. يخادع
وقلبه .. غريب
لا هو صاحب
ولا منك قريب
لا هو مخلص

ولا كان لك حبيب
وشه .. عليه وشوش
وكلامه .. غسل مغشوش
في قلبه .. قسوة
وسواد
ويخسر كثير
بالعناد
...



تقدر تنسى؟!!



.....

تقدر تنسى؟!!

جرب تأسى..

حاول تبعد

أهجر.. وإعند

وأسأل قلبك

قادر ينسى؟!!

...

مهما بعدت

حترجع تاني

مهما حاولت

في يوم تنساني

روحك عايشة
جوه كياني
قلبك عمره
ما ينسى حناني
حاول تبعد
وأهجر .. وإعند
حاول تأسى ..
وأسأل قلبك
قادر ينسى؟!
...
مش راح تقدر
على النسيان
مش راح تقدر
على الحرمان
كل عناد ..

حيسهرڪ
كل بعاد ..
حيقربڪ
حاول تبعد
وأهجر .. وإعند
حاول تأسى
وأسأل قلبك
قادر ينسى !؟



نورك رباني



.....

يا شهر كريم
نورك رباني
طهرلي روحي
وكياني ...
في صيامك ..
ربي قدرني
وصلاتي في ليلك
بتاخذني ..
لنور غفران
عفو وإحسان
من رب رحيم
بنوره هداني

وأحيى قلبي
ووجداني
وبعفوه وكرمه
ببرزقني
وبنور رضوانه
يوفقني



مفیش نصیب



.....

«مفیش نصیب»

کلمة مرة

للنهاية

«مفیش نصیب»

نهاية

لأحلى حكاية

«مفیش نصیب»

الصبر هو الدوا

للقلب

من البداية

ياما شاف

وإتألم معايا

...



ليه أنا ؟



.....

ليه أنا ؟!
يطول عذابي
وليل الضنا
يطوي شبابي
فين يا حبيبي ..
فين ألقاك ؟
ليه يا حبيبي
تنسى هواك ؟
ده قلبي أنا
عاش بيك
وروحى ديما

بتناديك
لا كان بإيدي
ياحبيبي هواك ..
ولا بإيدي
في يوم أنساك
ده قلبي أنا
عاش بيك
وروحي ديما
بتناديك ...
بتناديك
...



أشر الناس



.....
أشر الناس ..
هو الجاهل ..
أعمى القلب
عديم إحساس
أشر الناس ..
شايف نفسه
فوق الناس
ودايس ناسه
ويقول إخلاص
قلبه .. يكابر
وهو .. يعاير
قلوب تنباس

شايف الطيبة
ضعف وخيبة
وهو .. الجاهل
أشر الناس
...



خسران روحك



.....

ياللي بتجري

في كل مكان

جري وحوش

مش إنسان

تدهس ناس ..

ولا دريان !

تظلم ناس

ولا ندمان !

مهما حتكسب

حتكون خسران ..

خسران روحك

روح الإنسان

...



ما تصدقش !



.....

ما تصدقش ! ..

إني يوم أحن ليكي

إن روحي عايشة بيكي

ما تصدقش !

إني لسه بحب عينيكي

إني ممكن أعود إليكي

ما تصدقش !

...

قلبي عمره ما ينسى جرحك

مستحيل في يوم يسامحك

ما أقدرش تاني أصدقك

ده الخداع كان مبدأك
ومهما قلتي أو حتى عدتي
عمري ما أنسى
يوم ما خنتي
يومها ..
أنت عليا هنتي
وما تصدقيش !
إني يوم أحن ليكي
إن روحي عايشة بيكي
ما تصدقيش !
...



ابتسامة م القلب



.....

ابتسامة م القلب

طالعة منورة

ووش كله نور

ومحبة ورضا

يخلي الدنيا أحلى

ووردة معطرة

بلون البدر

وأحلى م الشهد

وحتى سكرة



بالحب حياتنا تنور



.....

الحياة ..

حلم صغير

ومشوار العمر ..

قصير

ليه تخليه

هم ومرار

ليه تعيشه

حزين .. محتار

بالحب ..

حياتنا تنور

بالود ..

الدنيا ح تتغير

إنسى الجرح
وعيش الفرح
الكلمة الحلوة
تسعد قلب
وبسمة وكلمة
تروي الحب
حنان ومودة
ويهون الصعب



مهما كان حبك



.....

مهما كان حبك

في قلبي

مهما كان الشوق

كاويني

مستحيل ..

أنا أبوح بحبي

والغرور ..

بينك .. وبينني

مستحيل !!

...

أنت ليه ديما تداري

وأنا جنبك عايش بناري
ومهما زاد منك عذابي
حأكتم الأشواق .. وأداري
ومهما كان حبك
في قلبي
ومهما كان الشوق
كاويني
مستحيل ..
أنا أبوح بحبي
والغرور ..
بينك .. وبينني
مستحيل !
...

ياللي روحك بتناجينني
بكرة .. قلبك حينادينني
لما تندم على الغرور

يملي قلبك ..
خير و نور
ومهما كان حبك
في قلبي
مهما كان الشوق
كاويني
مستحيل ..
أنا أبوح بحبي
والغرور ..
بينك .. وبينني
مستحيل !!



ساكتة ليه



.....

ساكتة ليه

حاشك ايه

نظرة عينكي

حيرانه ليه

ايه مغيرك

ايه محيرك

ياريت .. بصدق

تقولي عليه

...

قلبي الي حبك

وحب صدقك

بينادي قلبك

ردي عليه
همسة عينيك
لمسة ايديكي
حيرانه ليه
ايه مغيرك
ايه محيرك
ياريت بصدق
تقولي عليه
...

قلبي مايتحملش
سكاتك
نبض حياته
هو حياتك
قولي لقلبي
وكوني صريحة
اوعي تخبي

دمعة جريحة

لسه ساكتة

ساكتة ليه

نظرة عينيكي

حيرانة ليه



اعتب عليا



اعتب عليا
من غير أسية
ده أنت اللي ليا
يا نور عينا
...

بلاش سكوت ..
قلبي يموت
افتح لي قلبك
قول اللي عندك
واعتب عليا
من غير أسية
ده انت ليا
يا نور عينا

...

اشكي لي جرحك ..

صارحني

قلبي مسامحك ..

سامحني

ليه البعاد ..

ليه العناد ..

عاتبني .. يصفى

نهر الوداد

واعتب عليا

من غير أسية

ده أنت اللي ليا

يانور عينا



النصيب



.....

النصيب ..

بيناديني .. و يناديكي

النصيب ..

حياقيني .. و يلاقيكي

النصيب ..

إنك حبيبي ..

و أنا الحبيب ..

ومهما كان ..

النصيب

وياك قريب

أنت مني ..

غصب عني

بأحن ليك
قربك منايا
عايزك معايا
تحس بيا
وأحس بيك
والنصيب ..
بينادينني و يناديك
النصيب ..
حيلاقيني ويلاقيك
...

قلبي حاسس
ان بكره .. فيه لقا
يجمع أحبه ..
وتفرح
قلوب متشوقة
قلبي حاسس

باللي بيك
لا يوم أسي
ولا يوم نسيك
والنصيب ..
بينادينني و يناديك
النصيب ..
حياقينني ويلاقيك



قلبي بيشابي عليكي



قلبي بيشابي عليكي
من يوم ما شفت عينيك
الروح يا حبيبي
بتندهلك ..
والقلب روحه فيكي
من يوم ما شابي عليكي
...

القلب لما مال
حبك شغلي البال
والشوق بيزيد
في قلبي
لما بعادك طال
ده الروح يا حبيبي
بتندهلك ..

والقلب روحه فيكي
من يوم ما شابى عليكى
...

مهما مرت سنين
عايش في القلب حنين
والشوق يا حبيبتى بيتمنى
القلب في لقاكي يتهنى
ده الروح يا حبيبتى
بتندهلك ..

والقلب روحه فيكي
من يوم ما شابى عليكى



في الشروق



.....

في الشروق

شمس طالة

بأحلى شوق

لنهار جديد

لقلب سعيد

بالمحبة والحنان

بأحلى وردة

في البستان

...



منك و إليك يا حبيبي



.....

منك و إليك

يا حبيبي

بأستغنى بك

يا حبيبي

عن كل الدنيا ديه

ما هو أنت يا حبيبي

روحي و قلبي وعينا

و حبك يا حبيبي

في الدنيا .. كل ما ليا

...

الدنيا ياما وجعتني

روحك هي .. سمعتني
وطيبت جرحي ..
وبكل ود .. راعتي
ما هو أنت يا حبيبي
روحي و قلبي وعينا
و حبك يا حبيبي
في الدنيا .. كل ما ليا



اللي في قلبي



.....

مش بأعرف أقول

غير اللي في قلبي

لا بأعرف أدور .. ولا ألف

وأكتم جراحي .. وأخبي

ومهما يجرى ..

الصبر فيه الرضا

وسلمت أمري .. لربي



جرى أیه



.....

جرى أیه

ما بقتش فاهمك

ليه

قلب حبيبي

كنت بأحس بيه

أول ما باشوف عينيه

دلوقتي .. تاه كلامه

ما بقتش عارف

حصل أیه

لا الكلام .. كلامك

ولا أنت ..

الي قلبي شافك

ليه يا حبيبي .. ليه
بقيت حد تاني
واتفرقت الأمانى
وما بقتش عارفك ..
ليه ..

...

أنت أيه
جرالك أيه
روحك شاردة
وتايهة .. ليه
يا حبيبي صار حني
وفهمني
حصلك .. أيه
أنا ديما يا حبيبي
بصارحك
يا حبيبي .. قولي

على جرحك
عشان أرتاح
ويرتاح قلبك
قلبي يا حبيبي
عاش بحبك



كل واحد خد طريق



كل واحد خد طريق
وانجرح قلبي البرئ
بالخداع .. والي باع
والي آخر سكته
غدر .. وضياع

...

إنتهى بينا الكلام
انتهى وهم الغرام
ده إختيارك ..
آسي نارك ..
تكوي قلبك
حسرتك
ليلك .. نهارك

...

قلبي دواي
جرح غدرك
قلبي شاف
الدنيا بعدك
قلبي فاق
على الحقيقة
وانتهت أحلام
حلوة .. وبريئة
قلبك .. باع
حبك .. ضاع
آخر سكتك
غدر .. وضياع



بصالح روحك



.....

بصالح روحك الغالية

نورت جوايا الدنيا

وإن كان يا حبيبي

شئ مني

إياك يا حبيبي

تبعد عني

ده روعي ديما بتصارحك

وبكل محبة بتصالحك

...

العتاب بين الأحبه

بيزيد قلوبهم محبة

وأنت يا حبيبي عاتبني

ده شوق القلب غلبنى
وأنا روي ديما بتصارحك
وبكل محبة بتصالحك



الحب لما عرفته



.....

الحب لما عرفته ..

كان .. أنت

والقلب لما سألته

قال .. أنت

والحلم لما شفته

من أمتي ..

كان حبك ..

كان قلبك ..

حبيبي أنت

...

من يوم ما حببتك

حييت الحياة

عشان أبقى جنبك
وقلبي مناه
نعيش في المحبة
أجمل حياة
ده الحب لما عرفته ..
كان .. أنت
والقلب لما سأله
قال .. أنت



مين في جمال حبيبي



.....

مين في جمال حبيبي

وحنينه

هو الدنيا .. وشهد القلب

ونبضته

هو الأعلى .. وأحلى

ما في الدنيا

نوره .. الفرحه

وهو معايا ..

ثانية .. بثانية

...

مين بيحس بقلبي

غير هو حبيبي
مين عايش جنبي
غير هو حبيبي
عايش فرحي ..
ويواسي جرحي
هو الحنان
حضر الأمان
هو حبيبي
وفي قلبي
هو نصيبي



إزاي أقدر على بعدك



.....

ازاي أقدر على بعدك
وروحى عايشة عندك
وقلبي داب في ودك
إزاي أقدر على بعدك

...

حبك .. وقلبك
روحك .. وحبك
مالهومش مثيل
ونور ودادك
وروح حنانك
ليهم سحر جميل
وازاي أقدر على بعدك

وقلبي داب في ودك

...

الدنيا جميلة معاك

قلبي بيستنى لقاءك

عشان يعيش وياك

فرحة جميلة بتستناك

وازاي أقدر على بعدك

وقلبي داب في ودك



أجمل وردة



.....

أجمل وردة ..

اللي تشوفها روحك

حلوة

و أجمل كلمة ..

اللي تحس بيها روحك

إنها غنوة

والصفا .. روح المحبة

بين القلوب

والوفا .. نوره فيه الأحبة

تدوب

خلي روحك ..

ديما صافية
زي النور
طايرة في السما..
بحب كبير
وعطر زهور



ده مش مكاني



.....

ده مش مكاني

ولا زمانكم ..

زمانی

أنتم ليكم .. دنيا

و أنا روحي

في عالم تاني

لا فيه أحزان

ولا كذب و طمع

إنسان ..

ولا ندم .. و جرح

بينزف من زمان

...

عالم روحي
عالم ثاني
هو مكاني
وأحلى زماني
فيه السما
بلون الود
وفيه البحر
عيون السعد
وفيه جمال
وراحة بال
عالم أبهى
من كل خيال



إنتم مني



.....

أنتم مني

مهما كان

ويكون

أنتم مني

والقلب بكم

حنون

ممکن يعتب

ممکن يتعب

بس بـ «حب»

قلبي يصون



يا أحلى روح طيبة



.....

يا أحلى روح طيبة
فيها السلام .. والرضا
وليها نور عايش
جوايا
و روح محبة
بتملا سمايا
تطمئن قلبي
وتسعد روحي
وهى هنايا
...

يا روح فيها الصفا
وفيهها .. ود .. ودفا
روح جميلة .. وأصيلة
و ديما هي ..
مني قريبة
ولروحي ..
أحلى حبيبة



مهـما شكرنا وعبدناك



.....

مهـما شكرنا وعبدناك

في كل حياتنا وحمدناك

مشـ ح نوفي

اللي علينا

مشـ ح نوفي

لطفك بينا

مشـ ح نوفي

خيرك لينا

وكل منانا

ترضى علينا

أنت الخالق

أقرب لينا

ربي رحيم

أرحم بينا





صدر للمؤلف

- ١ - ديوان (قديري) ... عن دار نشر «جزيرة الورد» لصاحبها ومديرها الأستاذ فتحي هاشم في أول شارع ٦٢ يوليو ناحية مترو الأنفاق بالعتبة بوسط القاهرة .
- ٢ - ديوان (بحبك يارب) ... وهو بالعامية المصرية
- ٣ - ديوان (ربي القدوس) .
- ٤ - ديوان (مشاعر عفوية)
- ٥ - ديوان (قالت تجادلني)
- ٦ - ديوان (كلامك أحلى من كلامهم) .. بالعامية المصرية
- ٧ - ديوان (تحرر من احتلاي)
- ٨ - ديوان (بحبك يا أمي) .. بالعامية المصرية
- ٩ - ديوان (ياشموسة طلي) .. بالعامية المصرية
- ١٠ - ديوان (نور المحبة) .. بالعامية المصرية

للتواصل مع المؤلف : nasrsoliman2@gmail.com

الفهرس

2	بطاقة فهرسة
4	كلمة
5	الرحمة كلمتك
6	القلب ساكت
8	نور ابتسامك
10	مش كل شئ بنتمناه
12	ببساطة .. قلبي حبك
14	الخير . عبيره
16	ياريت أنساك
21	مهما طال البعد عنك
24	مشتاقلك غالية
26	نور الصبح
27	كل شئ وله ميعاد
29	بقلبي عرفتك
31	نفوس البشر
33	قلبك ديما معاي
35	طمني يا غالي
37	مبدع الجمال
39	جرب قلبك يكون مع ربك
41	الروح بتحس بالأحباب
42	بيقول بيحبك
44	تقدر تنسى؟!
47	نورك رباني
49	مفيش نصيب

50	ليه أنا ؟
52	أشر الناس
54	خسران روحك
56	ما تصدقش !
58	ابتسامة م القلب
59	بالحب حياتنا تنور
61	مهما كان حبك
64	ساكتة ليه
67	اعتب عليا
69	النصيب
72	قلبي بيشاي عليك
74	في الشروق
75	منك و إليك يا حبيبي
77	الي في قلبي
78	جرى أيه
81	كل واحد خد طريق
83	بصالح روحك
85	الحب لما عرفته
87	مين في جمال حبيبي
89	إزاي أقدر على بعدك
91	أجمل وردذ
93	ده مش مكاني
95	إنتم مني
96	يا أحلى روح طيبة
98	مهما شكرنا وعبدناك
101	صدر للمؤلف
102	الفهرس